

22/02/2022

Razvoj omladinskih politika u državama članicama



Trening za predstavnike mladih i državne službenike iz omladinskog sektora

Trening 50/50 za jačanje saradnje i partnerstva za promoviranje učestvovanja mladih u procesima donošenja odluka i u provođenju politika za mlade u Bosni i Hercegovini

Od 9. do 13. maja 2022. godine
Evropski centar za mlade Budimpešta

Poziv i profil učesnika

Napomena: Provedba treninga zavisi o trenutnoj COVID-19 epidemijskoj situaciji

Uvod

Odjel za mlade Vijeća Evrope je pionir sistema komenadžmenta, koji 2022. slavi 50 godina od prve primjene, a koji daje jednake prilike vlastima i omladinskim organizacijama u procesima donošenja odluka u polju prioriteta, aktivnosti i budžeta za sektor za mlade. Jedan od ciljeva komenadžmenta je podrška mladima i državama članicama da povećaju učestvovanje mladih u demokratskim procesima budući da oni imaju ključnu ulogu u obnovi demokratije i razvoju efikasnog građanstva, posebno kroz smisljeno učestvovanje.

Odjel za mlade također promovira i podržava razvoj politika za mlade država članica kroz paket mjera potpore. Ministarstva, javne uprave i kreatori politika mogu dobiti, na zahtjev, specijaliziranu i ciljanu podršku za rješavanje pitanja, dilema i izazova vezanih uz politiku prema mladima.

Ministarstvo civilnih poslova Bosne i Hercegovine želi promovirati učestvovanje/učešće mladih u procesima donošenja odluka i provođenju politika za mlade na kantonalnoj, entitetskoj i državnoj razini. Drugi zahtjev je poboljšanje kompetencija mladih za učestvovanje mladih u donošenju odluka i procesima vezanih za politike za mlade, kao i u provođenju odluka i politika. Ovaj trening 50/50 stoga ima za cilj okupiti predstavnike zainteresiranih strana s ciljem unapređenja participativnih politika za mlade.

Trening 50/50 temelji se na shvaćanju da, kako bi politike za mlade bile učinkovite, trebaju ih osmisliti i vladina tijela – na svim razinama upravljanja – i mladi ljudi. Kao takvi, predstavnici vladinog i nevladinog sektora okupljaju se kako bi učestvovali u treningu – broj učesnika treninga je jednako podijeljen između oba sektora (50/50) – kako bi zajedno razvili svoje kompetencije. Ove dvije vrste aktera imaju različite, ali komplementarne uloge, tako da će ovaj trening nastojati razviti i ojačati te uloge kako bi se izgradio odnos međusobnog povjerenja i poštovanja, s ciljem osiguranja efikasne i konstruktivne saradnje.

Ciljevi treninga

Cilj ovog treninga je unaprijediti kompetencije učesnika kako bi se olakšalo učestvovanje mladih u procesima donošenja odluka u kontekstu kreiranja i provedbe politika za mlade u Bosni i Hercegovini (na različitim nivoima) u skladu sa standardima, načelima i vrijednostima Vijeća Evrope.

Specifični ciljevi su:

- osigurati prostor za dijalog i razmjenu iskustava s ciljem promocije međusobnog razumijevanja i poštovanja, te podsticanja saradnje i umrežavanja između aktera unutar nevladinog i vladinog sektora;
- sagledati trenutnu situaciju mladih (potrebe, stvarnost, prava i odgovornosti) kako bi istražili načine uključivanja mladih u donošenje odluka i kreiranje politika;
- poboljšati kompetencije učesnika kako bi spremniji za učestvovanje i imali utjecaj na procese odlučivanja i donošenja politika;
- razviti znanje /učesnika o Revidiranoj evropskoj povelji o učestvovanju mladih u lokalnom i regionalnom životu i o priručniku „Recite svoje mišljenje!“ i načinima kako ih koristiti na različitim nivoima;

- promovirati i pomoći učesnicima da razumiju sektor mladih Vijeća Evrope, njegove instrumente i Strategiju za sektor mladih do 2030.

Nakon treninga učesnici će:

- steći znanja o vrijednostima i principima Vijeća Evrope;
- imati bolje razumijevanje koncepta učestvovanja mladih i vrijednosti partnerstava i saradnje;
- razviti kompetencije potrebne za pokretanje i učestvovanje u procesima donošenja odluka i kreiranje politika za mlade na svim nivoima vlasti;
- razviti razumijevanje o Revidiranoj evropskoj povelji o sudjelovanju/učešću mladih u lokalnom i regionalnom životu i priručniku „Recite svoje mišljenje!“;
- dati ideje za nastavak aktivnosti.

Profil učesnika:

Organizatori će odabrati:

- predstavnike koji se bave pitanjima mladih iz jedinica lokalne uprave i ministarstava nadležnih za mlade sa kantonalne, entitetske i državne razine; i
- predstavnike mladih koji djeluju na svim nivoima vlasti u BiH; (ukupno 30 /učesnika).

Učesnici trebaju:

- biti uključeni u razvoj i provedbu aktivnosti omladinskog rada i omladinskih politika u Bosni i Hercegovini na različitim razinama vlasti;
 - biti otvoreni, predani i motivirani za razvoj i jačanje dijaloga i saradnje između vladinih i nevladinih partnera u području mladih;
 - biti u poziciji da primjene i prate rezultate treninga;
 - obvezati se na pohađanje treninga tokom cijelog njegovog trajanja.
- predstavnici mladih moraju biti aktivno uključeni u omladinski sektor na lokalnoj, kantonalnoj, entitetskoj ili državnoj razini i po mogućnosti u dobi između 18 i 30 godina;
 - državni službenici moraju raditi na pitanjima mladih u lokalnim, kantonalnim, entitetskim ili državnim institucijama.

Vijeće Evrope ohrabruje prijave svih kandidata koji ispunjavaju gore navedene kriterije, bez obzira na spol, invaliditet, bračni ili roditeljski status, rasno, etničko ili socijalno porijeklo, boju kože, vjeru, uvjerenje ili seksualnu orijentaciju.

Trening

Trening organiziraju Odjel za mlade Vijeća Evrope i Ministarstvo civilnih poslova Bosne i Hercegovine, (u suradnji s Vijećem mladih Federacije Bosne i Hercegovine, Omladinskim savjetom

Republike Srpske i Vijećem/savjetom mladih Brčko distrikta Bosne i Hercegovine). Vedit će ga tim iskusnih trenera, a koristiti će se pristup i metode neformalnog obrazovanja, usredotočujući se na iskustveno i interkulturalno učenje kao osnovu za bavljenje različitim temama samog treninga. Program će biti definiran tako da zadovolji opće i specifične ciljeve treninga, kao i da odgovori potrebama učesnika i situaciji. Učestvovanje je dobrovoljnog karaktera: prihvatanje učešća na treningu smatrat će se dokazom motivacije i doprinosa koji će svaki učesnik dati tokom trajanja treninga. Od učesnika se očekuje da preuzmu punu odgovornost za svoje prisustvo i aktivno učestvovanje.

Materijali za rad

Potrebno je da se učesnici pripreme za trening kroz čitanje članaka o standardima politika za mlade i učešća mladih Vijeća Evrope (vidi www.coe.int/youth), te gledanjem kratkog videa na temu „Unutar Vijeća Evrope” (<https://www.coe.int/en/web/about-us/videos>).

Putni troškovi i smještaj

Vijeće Evrope snosi troškove smještaja i hrane /učesnika u skladu sa svojim propisima.¹

Svi učesnici koji izostanu s bilo kojeg dijela treninga bez valjanog razloga, unaprijed odobrenog od strane tima trenera, morat će sami finansirati troškove hrane, smještaja i puta.

Za dodatne informacije obratite se:

U Ministarstvu civilnih poslova BiH:

Kemal Salic

Email: kemal.salic@mcp.gov.ba

U Odjelu za mlade Vijeća Evrope:

Joanne Hunting

Tel: +33 3 88 41 31 61

Email: joanne.hunting@coe.int

Kontaktirati na engleskom jeziku

¹ Smještaj će biti osiguran od 8. do 13. maja 2022. godine.